

Musa: Korea dan KL erat

SEOUL, Khamis — Timbalan Perdana Menteri Datuk Musa Hitam berkata hari ini, beliau kini mempunyai pengertian yang lebih mendalam tentang corak pemikiran orang-orang Korea, setelah menemui anggota-anggota Kerajaan Korea Selatan sejak ketibaannya di sini.

Katanya, beliau juga telah mendapat gambaran yang lebih jelas mengenai pembangunan cara Korea Selatan.

Berucap dalam majlis makan tengah hari yang diberikan oleh Menteri Dalam Negeri Korea Selatan, Encik Tae Woo Roh, beliau berkata, perjumpaan-perjumpaan yang telah diadakan itu membantu ke arah kerjasama yang lebih erat antara Malaysia dan Korea Selatan.

Semangat

Datuk Musa yang juga Menteri Dalam Negeri tiba di sini semalam untuk lawatan lima hari.

Encik Tae berkata, pelaksanaan "Dasar Pandang Ke Timur" oleh Kerajaan Malaysia akan mempercepatkan lagi tempoh pembangunan di Malaysia.

Beliau berkata, ini juga akan menambatkan semangat orang-orang Korea Selatan untuk bekerja lebih kuat ke-

rana menyedari yang Malaysia memberi perhatian kepada mereka.

Encik Tae berharap lawatan Datuk Musa ke sini akan mengukuhkan lagi hubungan baik yang sedia terjalin antara kedua negara.

Sebelum itu Datuk Musa dan Encik Tae mengadakan pertemuan singkat di Kementerian Dalam Negeri. Datuk Musa juga diberi taklimat mengenai projek pembangunan masyarakat yang dilaksanakan oleh Kerajaan Korea Selatan.—
Dari AMIN HUSAINI HARUN (Bernama).

Bahan asal dari Arkib
Negara Malaysia